

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK

o produženju roka za donošenje rješenja

Sarajevo
novembar, 2010. godine



Broj: 01-03-26-004-17-II/10
Sarajevo, 04.11.2010. godine

Na osnovu člana 25. stav (1) tačka d), člana 41 stav (2) i člana 42. stav (2) Zakona o konkurenciji ("Službeni glasnik BiH", br. 48/05, 76/07 i 80/09) i člana 210. Zakona o upravnom postupku ("Službeni glasnik BiH", br. 29/02, 12/04 i 88/07), Konkurencijsko vijeće je na četvrtoj (4) sjednici održanoj dana 04.11. 2010. godine, donijelo

ZAKLJUČAK

o produženju roka za donošenje rješenja

Produžava se rok za donošenje konačnog rješenja, za dodatna 3 (tri) mjeseca, u postupku koji se vodi pred Konkurencijskim vijećem po Zaključku o pokretanju postupka broj: 01-03-26-004-8-II/10 od dana 14.06.2010. godine radi utvrđivanja zabranjenog konkurencijskog djelovanja iz člana 4. stav (1) Zakona o konkurenciji, protiv privrednog subjekta J.P. KOMUNALNO BRČKO d.o.o. Brčko distrikt, Bosna i Hercegovina.

O b r a z l o ž e n j e

Konkurencijsko vijeće je dana 22.02.2010. godine, u smislu člana 28. Zakona o konkurenciji (u daljem tekstu: Zakon), zaprimilo Zahtjev za pokretanje postupka privrednih subjekata KOMUNALIJE HRGOVČIĆ d.o.o. Brčko distrikt, d.o.o. ĆEHAIĆ Brčko distrikt, OBNOVA B d.o.o. Brčko distrikt, GRADSKA ČISTOĆA d.o.o. Brčko distrikt i d.o.o. INTERMONT Brčko distrikt, Bosna i Hercegovina (u daljem tekstu: Podnosioci zahtjeva) pod brojem 01-03-26-004-II/10 u kojem je zahtijevano od Konkurencijskog vijeća da pokrene postupak protiv J.P. KOMUNALNO BRČKO d.o.o. Brčko distrikt, Bosna i Hercegovina (u daljem tekstu: J.P. KOMUNALNO) radi utvrđivanja zabranjenog konkurencijskog djelovanja iz člana 4. stav (1) Zakona.

Uvidom u dostavljeni Zahtjev Konkurencijsko vijeće je utvrdilo da isti nije kompletan u smislu člana 28. Zakona i člana 2 tarifni broj 106. stav (1) tačka e) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06) te je u skladu sa članom 31. Zakona zatražilo dopunu zahtjeva dana 09.03.2010.godine aktom broj: 01-03-26-004-2-II/2010.

Podnosioci zahtjeva su postupili po zahtjevu Konkurencijskog vijeća i dana 26.03.2010.godine

podneskom broj: 01-03-26-004-3-II/2010 i dana 26.04. 2010. godine podneskom broj: 01-03-26-004-5-II/10 su dostavili dopunu Zahtjeva, nakon čega je Konkurencijsko vijeće utvrdilo da je isti kompletan i uredan u smislu člana 28. stav (1) Zakona, te je Podnosiocima zahtjeva u smislu člana 28. stav 3. Zakona, izdalo potvrdu dana 14.06.2010.godine, broj: 01-03-26-004-6-II /10 o prijemu kompletnog i urednog Zahtjeva.

Na osnovu dostavljene dokumentacije Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosioci zahtjeva ukazuju te je Konkurencijsko vijeće na 106. (stošestoj) sjednici održanoj 14.06.2010. godine donijelo Zaključak o pokretanju postupka broj: 01-03-26-004-8-II/10.

U toku postupka održana je usmena rasprava dana 05.10.2010. godine na kojoj su se Podnosioci zahtjeva izjasnili da žele proširiti zahtjev na Vladu Brčko distrikta i Skupštinu Brčko distrikta, i da će u roku od mjesec dana precizirati svoj zahtjev.

Imajući u vidu naprijed navedeno, kao i da je za utvrđivanje činjeničnog stanja i ocjenu dokaza potrebno izvršiti dodatne analize, Konkurencijsko vijeće je ocijenilo da je rok za donošenje konačnog rješenja potrebno produžiti za dodatna 3 (tri) mjeseca u smislu člana 41.stav 2) Zakona o konkurenciji, te je odlučilo kao u dispozitivu ovog Zaključka.

Pouka o pravnom lijeku

Protiv ovog Zaključka nije dopuštena žalba.

**Predsjednik
dr. Stjepo Pranjić**